

## Evening Dogri News Bulletin, 19 May. 2026

इवनिंग डोगरी न्यूज़ बुलेटिन  
समे .18:15 Hrs

### Headlines

1. भारती रेलवे नै जम्मू श्री माता वैश्वो देवी कटड़ा रेल सैक्शन पर 238 करोड़ रपे दी लागत आहले प्रोजेक्ट गी मंजूरी दिती। केंद्री मंत्री अश्विनी वैश्वणव होरें आखेआ जे प्रोजेक्ट दा मकसद लम्में चिरें आहली स्थिरता ते सुरक्षा गी यकीनी बनाना ऐ।
2. उपराज्यपाल होरें नशामुक्त जम्मू-कश्मीर अभियान तैहत पुलवामा च इक कार्जक्रम च हिस्सा लैता। उनें नशीले पदार्थे सरबंधी तंत्र गी तबाह करने लेई आखेआ तां जे युवा पीढ़ी गी बचाया जाई सकै।
3. मुखमंत्रि हुंदे सलाहकार होरें श्री अमरनाथ जात्तरा थमां पैहले जम्मू स्मार्ट सिटी परियोजना दा जायजा लैता ते इसी समेंसिर पूरी करने पर जोर पाया। उनें पी.एम ई-बस डिपोट ते वेस्ट टू वंडर पार्क दा दौरा लाया।
4. मुख सचिव होरें मचेल माता जात्तरा गी सुचारू ते सुरक्षित ढंगे सिर करोआने लेई इंतजामें दा जायजा लैता।
5. मौसम विभाग नै अगले 3 दिनें दरान जम्मू-कश्मीर च हल्की बरखा, अंधी झक्खड़ झुल्लने दी पेशगोई कीती ऐ।

<><><><><><>

### Railways Katra Section

भारती रेलवे नै जम्मू श्री माता वैश्वो देवी कटड़ा सैक्टर पर 238 करोड़ रपे दी लागत आहले महत्वपूर्ण ढलान स्थिरीकरण, सुरंग पुनर्वास ते पुल दे सुरक्षा सरबंधी कम्में गी मंजूरी दिती ऐ। रेल मंत्री अश्विनी वैश्वणव होरें एहदी तस्दीक कीती ऐ। उनें आखेआ जे एहू गैंड चुनौतीपूर्ण इलाके च यात्री सुरक्षा ते बेहतर राबता यकीनी बनाना ऐ। उनें आखेआ जे एहदे कन्नै महत्वपूर्ण रेलवे सैक्शन गी बी मजबूती देग।

<><><><><><>

### LG-Nasha Mukht

उपराज्यपाल मनोज सिन्हा होरें नशामुक्त जम्मू-कश्मीर अभियान तैहत पुलवामा च नशीले पदार्थे खलाफ पुलवामा च इक जन अभियान च हिस्सा लैता। इस मौके पर किट्ट गी संबोधित करदे होई उपराज्यपाल होरें लोकें गी नशीले पदार्थे खलाफ लड़ाई च निर्णायक गैंड पुट्टने लेई आखेआ। उनें जोर देइयै आखेआ जे नशीले पदार्थे खलाफ नेटवक्र गी खत्म करना लोड़चदा तां जे युवा पीढ़ी गी नशे दी लत थमां बचाया जाई सकै। उपराज्यपाल होरें आखेआ जे पिछले इक म्हीने थमां जम्मू-कश्मीर च इस भेठा लोकें च खासी जागरूकता आई ऐ। बारामूला च ज्हारां बदे लोकें नशे खलाफ अपनी आवाज बुलंद कीती ऐ। इससै चाल्ली दे अभियान जम्मू, साम्बा, उधमपुर, कठुआ, श्रीनगर ते होर दुए जिलें च बी चलाए गए न जेदे च युवाएं ते आम लोकें हिस्सा लैता। उनें आखेआ

<><><><><><>

### Advisr Smart City

मुख सचिव हुंदे सलाहकार नासिर असलम वाणी होरें जम्मू स्मार्ट सिटी लिमिटेड तैहत ढांचागत प्रोजेक्टें दा जायजा लैता ते इनेंगी औंदी श्री अमरनाथ जात्तरा थमां पैहले सबूरा करने लेई आखेआ। सलाहकार होरें पैहले टाटा ई-बस डिपोट दा दौरा लाया ते चला'रदे विकास कम्में दा जायजा लैता। उनें पी.एम ई-बस सेवा परियोजना सरबंधी कम्में दा बी निरीक्षण कीता। उनें वेस्ट टू वंडर पार्ट, कचरे थमां तैयार करिए बनाई गेदियां चीजां बगैरा गी दिक्खेआ। उनें कलाकारें दी रचनात्मक कला दी सिफत कीती। पार्क पर 11 करोड़ रपे दी लागत आई ऐ ते एहू तकरीबन 80 फीसद पूरा होई चुके दा ऐ। एहदा मकसद सैलसफा गी बढ़ावा देना, पर्यावरण प्रति जागरूकता फैलाना ऐ।

<><><><><><>

## Anti-Encroachment

जम्मू-कश्मीर च अतिक्रमण रोधी अभियान अज्ज बी जारी रेआं जम्मू दे सिद्दडा इलाके च इक बड्डा तोडफोड अभियान चलाया गेआ। स्हाडे जिला संवाददाता नै जानकारी दिती ऐ जे अभियान दरान 20 शा मते गैर कनूनी स्थाई ते आरजी ढांचें गी त्रोडेआ गेआ ते करोडें रपे मुल्ल दी 12 कनाल कोला मती जिमीं गी नाजायज कब्जे थमां खाली करोआया गेआ। इस मुहिम दरान भारी गिनतरी च पुलस दी मौजूदगी बी दिक्खने गी लब्बी। पुलस दी मजूदगी नै इस गल्लै गी यकीनी बनाया जे अभियान रमानदारी कन्नै चलै। अधिकारियें आखेआ जे कार्रवाई शुरू होने शा पैहलें बसनीकें गी मकानें गी खाल करने आस्तै आखेआ गेआ हा। इस बारै पेश ऐ स्हाडे जिला संवाददाता दी एह रिपोर्ट

<><><><><><>

## Fuel-Hike

पेट्रोल ते डीजल दिएं कीमतें च अज्ज करीब 90 पैसे फही लीटर स्हाबै बाद्दा कीता गेआ, जेडा इक हफ्ते थमां बी घट्ट समें च दुआ बाद्दा ऐ। एह बाद्दा 15 मई गी होए दे 3 रपे फही लीटर स्हाबै दे बाद्दे दे किश दिन मगरा होआ ऐ। चार बरें थमां मते चिरें च ईंधन दी कीमतें च एह पैहला बदलाव हा। एह बाद्दा ईरान संघर्श ते होमुर्ज जलडमरूमध्य च रूकावटें दे चलदे वैश्विक कच्चे तेल दी कीमतें च होए दे बडे मते बाद्दे मगरा होआ ऐ।

<><><><><><>

## CS-Machail Yatra

मुख सचिव अटल डुल्लू होरें अज्ज इक उच्चि सतह दी बैठक दी अध्यक्षता कीती जेह्दे च इस ब'रे अगस्त म्हीने थमां शुरू होने आहली सलाना मचेल माता जात्तरा गी सुचारू ते सुरक्षित ढंग्गै नै करोआने लेई सरबंधत डिविजनल ते जिला प्रशासन आसेआ कीते जा'रदे इंतजामें दा जायजा लैता गेआ। बैठक दरान मुख सचिव होरें यात्रा रस्ते पर पिछले ब'रे होई दी आपदा आहली घटना दे मगरा जारी कीते गेदे दिशा-निर्देशों दी अमलावरी दी बी समीक्षा कीती। उनें यात्रा दे दरान श्रद्धालुएं दी सुरक्षा ते सुचारू आओजाई गी यकीनी बनाने दे मकसद कन्नै आनलाइन ते आर.एफ.आई.डी आधारित पंजीकरण सरिस्तें दी शुरूआता, आपदा प्रबंधन सरबंधी पैहलकदमिं दा ब्यौरेवार जायजा लैता।

<><><><><><>

## Ramban-Road Accident

रामबन जिले च गूल संगलदान शिडक पर संगलदान दे नेडे अज्ज इक दर्दनाक शिडक हादसे च इक यात्री बस पलटी गेई जेह्दे च घट्टोघट्ट इक जने दी मौत होई गेई ते 15 शा 16 होर जखमी होई गए। स्हाडे जिला संवाददाता नै जानकारी दिती ऐ जे एह बस गूल दे धर्म थमां जम्मू बक्खी जा'रदी ही जिसले डरैवर बस पर काबू नेई रखी सकेआ। मकामी बसनीकें, पुलस ते ट्रैफिक कर्मियें मौके पर पुज्जियै बचाव अभियान रम्भेआ। घायलें गी नेडमें दे मेडिकल केंद्र च भेजी दिता गेआ जिसलै के अधिकारियें जांच शुरू कीती ऐ ते पीडितें गी सहायता प्रदान करा'रदे ना। पेश ऐ इस बारै साडे जिला संवाददाता दी इक रिपोर्ट

<><><><><><>

## Prog. Announcement (Teaser)

आकाशवाणी जम्मू दे प्रादेशिक समाचर एकांश आसेया आतंकवाद रोधी दिवस दे सरबंधै च 21 मई गी 25एं मिन्टें दा इक विशेष कार्यक्रम प्रसारित कीता जाहग, जेदा विषे होग- “एकता, शांति ते आतंकवाद गी दना बी नेई बर्दाश्त करना”। इस कार्यक्रम च स्हाडे परोहने होगंन, Brig. Retire Rajan Jamwal, जेह्डे इस विशे पर अपने माहिराना विचार सांझे करगंन। इस कार्यक्रम दी मेजबानी साहडे न्यूज एंकर जगमोहन शर्मा आसेया कीती जाग। पेश ए इस कार्यक्रम दी निक्की जेही झलक

<><><><><><>

## Motor Vehicles Doda

मोटर गड्डियें सरबन्धी विभाग (एम.वी.डी.) डोडा नै निजी गड्डियें पर स्टीकर लाने ते गैर कनूनी नशान लाने खलाफ सख्त मुहिम शुरू कीती ऐ, खास करियै फौज जा पुलस दे नां दस्सने आहिलए गड्डियें पर। असिस्टेंट आर.टी.ओ कपिल देव होरें आखेआ जे उल्लंघन करने आहले मोटर गड्डियें सरबन्धी कनून दी धारा 177 तैहत सजा दिती जाहग। उनें लोकें गी सहयोग देने ते बाद्दू कराया जां समर्थ समां मतियां सवारियां बठाने दी रिपोर्ट करने दी अपील कीती। सिडक सुरक्षा पर लोहू पांदे होई उनें हाल च गै भद्रवाह च नशामुक्त अभियान तैहत कीती गेदी बाइक रैली दा बी जिक्र कीता, जेहदे च नशीले पदार्थे दे गलत इस्तेमाल बारै जागरूकता पैदा कीती गेई ते डरैवरें गी सेहतमंद रौळने ते नशीले पदार्थे थमां दूर रौहने लेई प्रोत्साहित कीता गेआ। आकाशवाणी कन्नै गल्लबात करदे होई डोडा दे असिस्टेंट आर.टी.ओ कपिल देव होरें आखेआ

<><><><><><>

## Weather

मौसम विभाग नै जम्मू-कश्मीर च अज्जै थमां बरखा, अंधी-झक्खड ते तेज ब्हाएं दी पेशगोई कीती ऐ। आकाशवाणी दे जम्मू संवाददाता नै जानकारी दिती ऐ जे अज्जै थमां लेइयै 21 मई तगर कश्मीर ते जम्मू संभाग दियें किश थाहें पर बड्डुलै ते संझा तगर हल्की-मुट्टी बरखा, अंधी झक्खड ते तेज ब्हाएं दे कन्नै आंशिक तौरा पर बहल छाए दे रौहडना। उ'आं 22 थमां 25 मई धोड़ी आमतौरा पर मौसम खुशक रौहने दी मेद ऐ ते किश थाहें पर थोड़ी बरखा पेई सकदी ऐ। 26 शा 28 मई तगर मौसम दे खुशक हालात जारी रौहने दे असार ना। इस बारै होर मती जानकारी दिंदे होई मौसम विभाग दे डरैक्टर मुख्तार अहमद होरें आखेआ

<><><><><><>